

مَثَلِ بِيُوَهْزَنِ سَمَج

۱۸

۱ عیسی شاگرد هاسه مَثَلِ بیارده تا نشون هاده که باید همیشه دِعا ها کاند و اصلا دلسرد نَوشین. ۲ بائوته: در شهری آتا قاضی دَیبه که نا خداجه ترسییه نا به خلق خِدا توجه کارده. ۳ در اون شهر اتا بیوه زنا دَیبه که همیشه شبیه ونه پلی و ونجه خاسه ونه حق ره ونه دشمن جه پَس بیره. ۴ قاضی چند دفعه هیچ اعتنایی به و نکارده. اما آخر سَر شه پلی بائوته: (هرچند از خِدا نترسمبه و به خلق خِدا هم هیچ توجهی ندارمبه ۵ اما وقتی این بیوه زنا همیشه مره زحمت دَنه ونه داد بَرسیم نکانه همیشه بییه و مه ره به ستوه در بیاره!) ۶ « بعد عیسی بائوته: پشناستینی این قاضی بی انصاف چیشی بائوته؟ ۷ اِسّا آیا خِدا به داد اونایی که شه انتخاب ها کارده و روز و شو به درگاه و دعا کانه نرسنه؟ آیا ویشونه کار ره هَمیتتی عقب دِم دَنه؟ ۸ شما ره گامبه که به زودی به داد ویشون رسینه. اما اون زمان که انسان ریکا بییموهه آیا ایمانداري بنه سَر پدا کانده؟»

مَثَلِ فَرِیسی و خِراجگیر

۹ بعد عیسی بعضی اِسّه که شه پارسایی جه مطمئن بییه و دیگران ره شه پلی کوچیک دینه این مَثَل ره ویشونسه بیارده: ۱۰ «دِ نفر عِبَادَتِ اِسّه بورَدنه معبد آتا فَرِیسی مومن، آتا دیگه خِراجگیر. ۱۱ اون فَرِیسی هِرِسّا و شه پلی اینتی دعا ها کارده: (خدایا، ته ره شکر گامبه که مَثَلِ دیگر مردمون دزد و بدکاره و زناکار نیمه، این خِراجگیرواری هم نیمه. ۱۲ دِ بار در هفته روزه گِرِمبه و از هر چی که دَر یارِمبه، شه ده یک ره دِمبه. ۱۳ اما اون خِراجگیر دور هِرِسّا و نخاسه حتی شه چِشا ره به سوی آسمون بَلِنْد ها کانه فقط شه سینه ره زوهه و گاته: (خدایا بر من گناهکار رحم ها کان.) ۱۴ شما ره گامبه که اون خِراجگیر نسبت به اون فَرِیسی خِدا پَلِی خارا دَم شمرده بییه و بورده شه سره. اینسّه که هر کی شه ره گت ادم دونه کوچیک وونه و هر کی شه ره کوچیک ها کانه سر بَلِنْد وونه.»

عیسی و خورده وچه ها

۱۵ مردم حتی خورده وچه ره عیسی پَلِی یارَدنه تا ویشون سر دست بکشه. شاگردون وقتی اینا ره بدینه مردم ره سرزنش ها کارَدنه. ۱۶ اما عیسی وچه ها ره شه پلی بخاسه و بائوته: بیلین خورده وچه ها مه پلی بیهد و ویشون ره منع نکانین اینسّه که پادشاهی خِدا از آن اینجور کسان هَسّه. ۱۷ راستی راستی شما ره گامبه هر کی پادشاهی خِدا ره مَثَلِ اتا خورده وچه قبول نکانه هرگز نتونده وارد پادشاهی خِدا بووهه.»

حاکم سرمایه دار

۱۸ اتا روزحاکمی عیسی جه بپورسییه: «استای نیکو، چیکار هاکنیم تا وارد بهشت جاودان بوویم؟»
 ۱۹ عیسی جواب هادا: چه ایستّه مه ره نیکو خوندنی؟ هیچکس نیکو نییه جز خدا. ۲۰ احکام خدا ره دوندی؟ زنا نکان، قتل نکان دزدی نکان شهادت دروغ نده شه پی پر و مار ره احترام هاکان.»
 ۲۱ بائوته: همه اینها ره از وچکی انجام دامه. ۲۲ عیسی وقتی اینا ره بشناسه بائوته: «هنوز اتا چیز کم دانی؛ اونچه دانی بروش و اون پولها ره میونه فقیرون تقسیم هاکان که آسمون دله گنج داری. بعد برو و مه ره پیروی هاکان.» ۲۳ وقتی اینا ره بشناسه ناراحت بییه اینسه که سرمایه زیادی داشته.
 ۲۴ عیسی و ره هارشا و بائوته: «چنده سخت هسه بورده سرمایه دارون به پادشاهی خدا! ۲۵ رد بیینه شتر از سوزنه سوراخ آسونتر هسه از بورده اتا نفر سرمایه دار به پادشاهی خدا.»
 ۲۶ اونابی که اینا ره اشناسینه بپورسینه: پس کی تونده نجات پدا هاکانه؟ ۲۷ بائوته: اونچه انسانسته نا ممکن هسه خداسه ممکن هسه.»

۲۸ پطرس بائوته: اما که شه سیره و کاشانه ره ول هاگردیمی تا از ته پیروی هاکنیم! ۲۹ عیسی ویشونه بائوته: راستی شما ره گامبه هر که شیمه واری شه سیره یا زن یا برار یا پی پر و مار یا وچه ها ره به خاطر پادشاهی خدا ول هاکانه ۳۰ خدا در این دنیا چند برابر به و دنه، و در اون دنیا دله هم حیات جاودان ره.»

سومین پیشگویی عیسی درباره شه بمردن

۳۱ بعد عیسی اون دوازده شاگرد تا ره اتا کنار بکشییه و ویشونه بائوته: ما به اورشلیم شومی، و اسا اونچه انبیا درباره انسان ریکا بنوشته، به انجام رسنه. ۳۲ اینسه که و ره به غیریهودی ها دنه. اونا و ره مسخره و توهین کانه و توف و نه سر شندنه و ره چوو زنه و کاشینه. ۳۳ اما در روز سوم قبر جه راست وونه. ۳۴ شاگردون هیچی ره نفهمسته. معنی و نه حرفا اوناجه پنهن بی په و نفهمسته درباره چیشی حرف زنده.

شفای گدای کور

۳۵ عیسی وقتی نزدیک اریحا برسیه اتا کورگدا ر بدیه که راه دله نشیبیه و گدایی کارده. ۳۶ وقتی اون کورگدا مردم صدا ره که اونجه رد بییه بشناسه بپورسییه، «چه خور هسه؟» ۳۷ بائوته: «عیسای ناصری دَره اینجه جه رد وونه.» ۳۸ و داد بکشییه: ای عیسی داوود ریکا مه جه رحم هاکان! ۳۹ اونابی که پیشاپیش مردم دینه و نجه بخاسته که ساکت بووه. اما ویشتر داد زوهه که: ای داوود ریکا مه جه رحم هاکان! ۴۰ بعد عیسی هرستا و دستور هادا اون مردی ره و نه پلی بیارن» وقتی نزدیک بیموهه

عیسی و نجه بپرسیه: ۴۱ چیشی خانی تِسْتَه ها کانیم؟» بائوته: ای سَرور مین خامبه بینا بوشم. ۴۲ عیسی و ره بائوته: «بینا بوش! ته ایمان ته ره شفا هادا.» ۴۳ کورگدا همون جا بینا نییه و همینتی که خِدا ره شکر کارده عیسی دِنبال راه دَکته. مردم وقتی اینا ره بدینه همگی خِدا ره شکر ها کاردنه.